

Kev Saib Xyuas Kiab Khw Ntawm Feem Kev Saib Xyuas Kho Mob Rau Fab Kev Noj Qab Haus Huv

Xeev Oregon Lub Tsev Kawm Ntawv Txuj Siab Txog Kev Noj Qab Haus Huv thiab Txuj Ci (Xaij) (Oregon Health & Science University) thiab Legacy Qhov Lab Npauv Saib Xyuas Kev Noj Qab Haus Huv

Qhov txheej txheem pab cuam muab [Health Care Market Oversight](#) (HCMO) yuav tshab xyuas cov chaw muag khoom lag luam ntsig txog kev saib xyuas kho mob fab kev noj qab haus huv txhawm rau xyuas kom paub tseeb tias lawv tsis ua rau cov neeg thiab cov cheeb tsam zej zos hauv xeev Oregon raug mob. Nyob rau Lub Kaum Hlis Ntuj 4, 2024, Oregon Health Authority (OHA) tau lees txais ib tsab ntawv ceeb toom qhia paub txhua yam ntawm kev hloov pauv cov khoom siv uas sau piav qhia txog cov phiaj xwm kev npaj tuav pov hwm kev kho mob rau Xeev Oregon Lub Tsev Kawm Ntawv Txuj Siab Txog Kev Noj Qab Haus Huv thiab Txuj Ci (Xaij) (Oregon Health & Science University) (“OHSU”) txhawm rau yuav Legacy Qhov Lab Npauv Saib Xyuas Kev Noj Qab Haus Huv (“Legacy”).

Leej twg muaj feem xyuam?

OHSU yog ib lub lab npauv saib xyuas kev noj qab haus huv hauv tsoom fww lub tsev kawm ntawv txuj siab uas yog tus tswv los sis koom tes nrog peb lub tsev kho mob nyob rau hauv cheeb tsam Portland metro. Tsis tas li ntawd lawv kuj tseem yog tswv cuab ntawm ntau cov chaw kuaj mob saib xyuas fab kev kho mob nyob thoob plaws hauv xeev Oregon tib si. Tsis tas li ntawd lab npauv OHSU kuj tseem muaj xam nrog rau cov chaw saib xyuas kev tshawb fawb thiab cov txheej txheem pab cuam txog kev kawm ntawv ntawm tsev kawm ntawv txuj siab. OHSU pab cov neeg mob nyob thoob plaws hauv xeev Oregon.

Legacy yog ib lub lab npauv saib xyuas kev noj qab haus huv uas tsis vam nyiaj tshaj thawj uas yog tus tswv thiab tsav xyuas rau cov tsev kho mob nyob rau hauv cov cheeb tsam nruab nrab ntawm Portland thiab Vancouver thiab nruab nrab teb ntawm hav Willamette. Tsis tas li ntawd lawv kuj tseem yog tus tswv thiab tsav coj 70 cov chaw kuaj mob rau tus neeg mob uas tsis pw kho hauv tsev kho mob tib si muaj xam nrog rau cov chaw kuaj mob uas muab kev saib xyuas kho mob thaum xub thawj, kev saib xyuas kho mob thaum muaj xwm ceev thiab kev saib xyuas kho tshwj xeeb nyob thoob plaws hauv tib co cheeb tsam ntawd tib si.

Hais txog qhov haum siab

OHSU tab tom npaj txhawm rau yuav Legacy. OHSU hais tias Legacy yuav yog ib lub lag luam uas yog tswv cuab ib puas feem pua ntawm OHSU, thiab Legacy yuav los sib koom ua ke txhua yam nyob rau hauv lab npauv OHSU. OHSU hais tias qhov kev hloov txav no yuav tsis hloov cov them kev pab cuam uas muab rau sawv dawd ntawd thiab qhov kev

Kev Saib Xyuas Kiab Khw Ntawm Feem Kev Saib Xyuas Kho Mob Rau Fab Kev Noj Qab Haus Huv

hloov txav nod yuav ua rau OHSU tuaj yeem nthuav dav kom muaj kev nkag cuag tau rau cov kev pab cuam rau kev saib xyuas kho mob fab kev noj qab haus huv.

Muaj dab tsi ntxiv mus?

OHA tab tom tshab xyuas txog qhov kev haum siab no txhawm rau kom nkag siab txog kev nws tuaj yeem cuam tshuam txog kev nkag cuag tau rau kev saib xyuas kho mob rau cov cheeb tsam zej zos nyob rau hauv xeev Oregon tau li cas. Nyob rau lub sijhawm ua kev tshab xyuas, OHA yuav siv cov ntaub ntawv kev saib xyuas kho mob rau fab kev noj qab haus huv, cov xov xwm thiab cov lus tshaj tawm los ntawm koom haum tshaj xov xwm, cov lus qhia paub uas tau los ntawm cov koom haum, thiab pej xeem sawv dawd cov twv yim pab txhawm rau los mus txiav txim seb puas tsim nyog pom zoo ua raws li qhov haum siab nod. Tom qab kev ua tiav ib qho kev tshab xyuas lawm, OHA yuav tawm ib tsab lus txiav txim hais txog seb puas tuaj yeem ua mus raws li qhov haum siab uas tau npaj tseg ntawd.

Peb xav hnov los ntawm koj!

Pej xeem sawv dawd cov tswv yim pab muaj peev pab tau kom peb nkag siab txog tias qhov haum siab no tuaj yeem pab los sis ua mob rau cov neeg nyob rau hauv koj cheeb tsam zej zos tau li cas. Txhawm rau sib koom qhia txog koj cov kev xav hais txog ntawm qhov kev haum siab no, thov sau email mus rau hcmo.info@oha.oregon.gov, faj lus xa ua suab tseg rau ntawm tus xov tooj 503-945-6161, los sis [sau daim foos lus tawm tswv yim los ntawm pej xeem \(public comment form\)](#). Nyob rau hauv koj qhov lus tawm tswv yim, thov sau qhia "OHSU" los sis "Legacy", yam uas koj xav, thiab seb koj pab txhawb nqa los sis tsis pom zoo rau qhov kev haum siab nod li cas.

Koj muaj peev xwm tau txais daim ntawv no sau ua lwm yam lus, ua ntawv loj, cov ntawv su rau neeg dig muag xuas, los sis lwm hom uas koj nyiam siv yam tsis muaj kev xam tus nqi. Tiv tauj rau peb los ntawm kev sau email mus rau ntawm hcmo.info@oha.oregon.gov los sis los ntawm kev hu xov tooj ntawm 503-945-6161. Peb txais txhua tsab xov tooj hu tuaj ntawm cov neeg tsis hnov lus zoo.

Yog hais tias koj muaj cov lus nug dab tsi hais txog qhov lus tshaj tawm no los sis xav thov lus qhia paub ntau ntxiv, thov tiv tauj rau hcmo.info@odhsoha.oregon.gov.